

OFFICE OF THE EXECUTIVE COMMITTEE  
KHASI HILLS AUTONOMOUS DISTRICT COUNCIL  
SHILLONG.

NO.DC.XXVII/Genl/74/2017/12

Dated Shillong the 29<sup>th</sup> June, 2017.

**KA JINGPYNBNA**

Ka Jylla ka jong ngi khamtam ha Khasi Hills la tip kum ka Ri kaba riewspah ha ka spah mariang, ki lum ki wah, ki khlaw ki btap bad ki jingthung jingtep. Hynrei, mynta ngi shem bad lap ba ngi ia kynduh jingeh ha ka jingbret pathar ia ki niut ki nier khamtam ha kaba bret ia ki kynja plastic, bilor, bilor pait bad kiwei kiwei. Ka Khasi Hills Autonomous District Council ka shem bad lap ruh ba ha ki jaka Sor bad Khapsor ba ka jingbret pathar khamtam ha ki jaka shongkai pyngngad (parks/picnic spots) ka long kaba ishyrkhei khlem da khein shuh ia ka khuid ka suba jong ki jaka kylleng sawdong. Ka Council ka sngewkhia ia kane bad khnang ban pynneh pynsah ia ka jingkhuid jingsuba jong ka Ri Khasi, ka kyrpad sha baroh ki Dorbar Shnong, ki Sengbhalang, ki Sengtreimon sngewbha ba kin shim ka jingkitkhia ha kaba iadei bad ka rukom bret niut kaba biang bad khamtam ia ki niut ki bym pyut (Non-biodegradable).

Namarkata, da kane la pynbna sha ki Dorbar Shnong bad ki nongshong shong ba ia ka jingpynkhuid Shnong kaba ju pynlong barabor shisien shisnem kin pynlong noh man la u bnai. Ka jingthmu ka long ban ai lad ia ki nongshong Shnong ban ia shim bynta ban pynkhuid ia la ki jong ki phyllaw bad ki surok ba markhap ka iing jong ki.

Shuh shuh, la bthah ia ki Dorbar Shnong ba kin thaw bad don noh ia ka Sanitation Committee ki ban khmih ia ka rukom bret niut kaba biang bad ia ka jingkhuid jingsuba ha la ki jong ki Shnong/Kyntoit. Ki Dorbar Shnong kin thaw bad shna ia ki kyndon ha kaba iadei bad kane ka bynta.

Ban pynsngewthuh ia ka koit ka khiah bad ka khuid ka suba, ki Dorbar Shong kin pynbna lyngba ki tynghung (Public Announce System) ne ki Sangot man la ka taiew. Ki Dorbar Shnong kin wad ki lad ki lynti na ki scheme kiba ki lah ban ioh ia ki dustbin bret niut (portable dustbin) ki ban lah ban buh bad pyndonkam ia ki ha la ki Shnong/Kyntoit.



Secretary to the Executive Committee,  
Khasi Hills Autonomous District Council,  
Shillong.